



# შირაკი

**SHIRAKI**

www.open.ge

გამოცემის 1937 წლიდან

დედოფლისწყაროს მუნიციპალიტეტის გაზეთი

№35 (9.600)

14-21 სექტემბერი 2013 წელი

ფასი: 50 თეთრი

ყოველკვირეული გამოცემა

## გილოცავთ!



მოგესალმებით, ძვირფასო მეგობრებო, გილოცავთ ახალი სასწავლო წლის დაწყებას. წელს დედოფლისწყაროში 9 საჯარო სკოლის შენობა გარემონტდა, მთავრობის ინიციატივითა და დაფინანსებით უფასოდ დარიგდა სასკოლო სახელმძღვანელოები, პირველკლასელებს მერხებთან კვლავ დახვდებით ნოუთბუქები. მომავალში კიდევ უფრო მეტი გაკეთდება იმისთვის, რომ პედაგოგებსა და მოსწავლეებს განათლების სფეროში უკეთესი პირობები შეექმნათ.

განსაკუთრებით მინდა მივესალმო მათ, ვინც პირველად უნდა შემოადგან ფეხი სკოლაში. მათთვის

ეს განსაკუთრებული დღეა. განსაკუთრებული იმიტომ, რომ გადავიდნენ ცხოვრების ახალ ეტაპზე. ვუსურვებ მათ კარგი ცოდნის მიღებას და ცხოვრების მშვიდობიან, ლამაზ წლებს.

ყველა მოსწავლეს, მშობელს, სასწავლო დაწესებულების ხელმძღვანელს, თითოეულ პედაგოგს გულითადად გილოცავთ ახალი სასწავლო წლის დაწყებას!

გისურვებთ წინსვლასა და წარმატებებს იმ კეთილშობილურ საქმეში, რასაც ჩვენი ქვეყნის საკეთილდღეოდ აკეთებთ.

პედაგოგებს განსაკუთრებული როლი გაკისრიათ

ერის განვითარებაში. გისურვებთ გეამაყოთ თქვენი აღზრდილებით მომავალშიც ისევე, როგორც აქამდე არაერთხელ გეამაყიათ.

განათლება და განათლებული ახალგაზრდობა — საქართველოს წინსვლის და წარმატების უპირობო წინაპირობაა. ჩვენი ქვეყნის სიმდიდრე ხომ სწორედ განვითარებული, განსწავლული და თავისი საქმის მცოდნე პროფესიონალებია. მჯერა, რომ ახალი სასწავლო წელი თითოეული თქვენთაგანისათვის წარმატებული იქნება.

**ირაკლი შიოლაშვილი, დედოფლისწყაროს მუნიციპალიტეტის გამგებელი**



კონდა სიმდიდრეა. მე'ე იმისთანა ვადლია - ნი სიმდიდრეა. რომ რაც უნდა ბევრს დაურიგო ბევრს გაუნანილო. შენ არა დაგაკლდება რა. თუ არ მოგემატება.

ილია  
ძვირფასო მოსწავლეებო, პედაგოგებო, გილოცავთ ახალი სასწავლო წლის დაწყებას. გისურვებთ ჯანმრთელობას და მშვიდობიან გარემოში ცხოვრებას. მუდამ გვიგულეთ თქვენს გვერდით კარგი განათლების მიღებისთვის სათანადო პირობების შექმნისა და სოციალური პრობლემების მოგვარების საქმეში. იმედია, ახალი სასწავლო წელი ბევრი წარმატების მომტანი იქნება ყველასთვის.  
**ლევან ნატროშვილი, დედოფლისწყაროს მუნიციპალიტეტის საკრებულოს თავმჯდომარე**

## „ახალ სამედიცინო აპარატურას ამერიკა გადმოგვცემს“ ...

ამერიკული მხარე დედოფლისწყაროს მუნიციპალიტეტს ძვირადღირებულ სამედიცინო აპარატურას საჩუქრად გადასცემს, საბოლოო ჯამში დედოფლისწყაროში მილიონამდე ლარის ღირებულების ტექნიკა შემოვა. ამის შესახებ დედოფლისწყაროს მუნიციპალიტეტის გამგებელმა ირაკლი შიოლაშვილმა ტელეკომპანია „ობიექტივის“ პირდაპირ ეთერში, თოქ-შოუ „დედოფლისწყაროს საათში“ სტუმრობისას განაცხადა.

გამგებელმა მოსახლეობას პირველი საჯარო ანგარიში ტელევიზიით ჩააბარა და სხვადასხვა აქტუალურ საკითხზე კომენტარი გააკეთა. ირაკლი შიოლაშვილმა, ასევე, სატელეფონო

ჩართვების მეშვეობით სოფლების მაცხოვრებელთა შეკითხვებსაც უპასუხა.

ირაკლი შიოლაშვილი „პირადად შევხვდი სახელმწიფო მდივნის თანაშემწეს ჰუმანიტარულ დარგში, უკვე მიღწეულია შეთანხმება და პირობა გვაქვს, რომ სავარაუდოდ სექტემბრის ბოლოს თანამედროვე სტანდარტების უახლესი ტექნიკა დედოფლისწყაროში შემოვა. აპარატურის ღირებულება დაახლოებით ერთ მილიონ ლარს აღწევს. მიუხედავად იმისა, რომ ამ ეტაპისთვის დედოფლისწყაროს სამედიცინო დაწესებულებებს შესაბამისი ინფრასტრუქტურა თანამედროვე სტანდარტებით მოწყობილი არ აქვს, ეს ტექნიკა დედოფლისწყაროში

მაინც შემოვა და ჩვენი მოქალაქეების ჯანმრთელობას მოხმარდება.

რამდენიმე წელია, ჯანდაცვის სფეროში პრობლემა დგას. ინფრასტრუქტურა ფაქტობრივად არ არსებობს. პირველივე დღეს დავინტერესდი ამ საკითხით. პრობლემა სერიოზულია, რადგან „ადითს“ მთლიანი ინფრასტრუქტურა ჰქონდა ჩაბარებული და, რაც მთავარია, შენობები დატვირთული ოყო ოფშორულ ზონებში, ანუ გარკვეული ვალდებულებები ჰქონდა ადებული და საქართველოს ხელისუფლებას შეუსრულებელი ვალდებულებების მოტივით „ადითისთვის“ რომც წაერთმია ეს ქონება, ამას სახელმწიფოს-

ვის მატერიალური ზიანიც გადმოჰყვებოდა. ამიტომ, ჯანდაცვის სამინისტროსთან ერთად რამდენიმე თვე დაგვჭირდა, რომ ამ პრობლემაზე ნაყოფიერად გვემუშავა. ამჯერად, უკვე მოენერა ხელი იმ განკარგულებას, რის მიხედვითაც სახელმწიფომ დაიბრუნა ეს ქონება და შენობები. ჩვენ სამინისტროსთან უკვე ვმუშაობთ იმაზე, არსებულ შენობებში მოხდება საავადმყოფოების რეაბილიტაცია, თუ ახალი აშენდება. ამიტომაც მოსახლეობას მინდა ვუთხრა, რომ ჩვენი ქვეყნის ისტორიაში ამით იქმნება პრეცედენტი, რომ ეს იქნება მუნიციპალური საავადმყოფოები. მარტივად რომ ვთქვათ, სახელმწიფო მოახ-

დენს მათ სრულ რეაბილიტაციასა და აღჭურვას, შემდეგ კი სამართავად ჩამოთვლილ მუნიციპალიტეტებს გადასცემს. ვფიქრობთ, რომ ეს უფრო ეფექტური გზაა. როგორც მენეჯმენტი განხორციელდეს და რა სჭირდება საავადმყოფოს, ეს ადგილზე უკეთესად იციან. ხშირად ექიმები 5-6 თვე ხელფასებს ვერ იღებდნენ, რაც თავისთავად სერიოზული პრობლემაა. როცა ამ შენობების „ადითისთვის“ გადაცემა ხდებოდა, სამწუხაროდ, არც ჯანდაცვის სამინისტროს და არც ადგილობრივ ხელისუფლებას არ უფიქრია იმაზე, რა იქნებოდა შედეგი. მივიღეთ ის, რომ მთლიანად

(გაგრძელება გვ.3)

**ცხოვრება ხელების გარეშე**

გვ. 4

**„სოფლის სიყვარულით ვსსოვრობ“**

გვ. 5

**ე უ რ ა დ ე ბ ა !**

საქართველოს საარჩევნო კოდექსის მუხლი 50. 2-4-ით განსაზღვრული მოთხოვნების შესაბამისად, წინასაარჩევნო კამპანიის ფარგლებში, გაზეთი „შირაქი“ ყველა საარჩევნო სუბიექტს დაუთმობს საგაზეთო ფართს პოლიტიკური რეკლამისათვის. 27 ოქტომბრამდე გაზეთი „შირაქი“ ყოველკვირეულად, თითოეულ ნომერში საპარლამენტო არჩევნებში მონაწილე საარჩევნო პარტიებსა და კანდიდატებს გაზეთის ფართს დაუთმობს, რომელიც განკუთვნილი იქნება ფასიანი პოლიტიკური რეკლამისთვის და თანაბრად გადანაწილდება ყველა საარჩევნო სუბიექტზე. ფასიანი პოლიტიკური რეკლამისთვის გამოყოფილი გაზეთის ერთი გვერდის ფასი კი 150 ლარით განისაზღვრება.

**ყველაზე სანდო წყარო დედოფლისწყაროში მიმდინარე მოვლანების შესახებ!**

- ახალი ინფორმაცია
- საბარტლებრივი აქტუაზი
- აუქსიონი
- ტენდერი - ყველაფერი
- მხოლოდ ჩვენთან!

ის, რასაც სხვაგან ვერ ნაიპოთხავთ!

[www.dedoplistskaro.ge](http://www.dedoplistskaro.ge)



# „ახალ სამედიცინო აპარატურას ამერიკა გადმოგვცემს“ ...

(პირველი გვერდიდან)

განადგურებულია ინფრასტრუქტურა და ინვესტორი ხელფასების გაცემასაც ვერ ახერხებს. ჩვენი საბოლოო მიზანია, დედოფლისწყაროელებისთვის ნორმალური ჰოსპიტალი შეიქმნას, რადგან დედოფლისწყაროელები სამედიცინო მომსახურებით უზრუნველყოფილნი იყვნენ და ამას ჩვენ უახლოეს მომავალში შევძლებთ.

– კიდევ ერთი კლინიკის მშენებლობა იგეგმებოდა დედოფლისწყაროში, „არქიმედეს გლობალ ჯორჯიამ“ საცხოვრებელი სახლიც დაანგრია და ტერიტორია მოასუფთავა, თუმცა თვეების განმავლობაში პროცესი

შეჩერებულია... თუ ფლობთ ინფორმაციას, „არქიმედეს“ გეგმების შესახებ, რატომ აღარ გრძელდება სამშენებლო სამუშაოები...

– ზოგადად, საფუძვლიანი ეჭვი ჩნდება იმისა, რომ ეს ყველაფერი იყო ძალიან დიდი ტყუილი, თითქოს ვინმეს რაიმე უნდა აეშენებინა.

– ანუ წინასწარ ჩვენო კამპანიის ნაწილი იყო?

– დღევანდელ დღემდე მოვედით და ვხედავთ, რომ არავის არაფერი გაუკეთებია და არც მშენებლობა დაუწყია. ამაზე საუბარი უხერხულია. ამიტომ, სახელმწიფო საკუთარ თავზე იღებს ვალდებულებას, საავადმყოფოს მშენებლობა

საკუთარ თავზე აიღოს და ეს ძალიან მალე რეალობად იქცევა,“ - აღნიშნავს დედოფლისწყაროს გამგებელი.

შეგახსენებთ, ახლახან, საავადმყოფოების მუნიციპალიტეტებისთვის გადაცემასთან დაკავშირებით დედოფლისწყაროს გამგებელმა ჯანდაცვის მინისტრთან დავით სერგეენკოსთან შეხვედრა გამართა. შიოლაშვილი განმარტავს, რომ დედოფლისწყაროელ მედიკოსებს უკვე შეხვდა და მინისტრთან შეხვედრის დეტალებსა და სამინისტროს პოზიციაზე ინფორმაცია დეტალურად მიანოდა.

ილია მარტყოფლიშვილი



„დირექტორის გამაფრთხილებელი წერილი არასწორად იყო ფორმულირებული, არამც და არამც არ უნდა ყოფილიყო საზგასმით ნათქვამი, რომ რუსული სექტორი ჩაკეცება და ამხელა ხმაურს თავიდან ავიცილებდით.“

## ინფრასტრუქტურული სამუშაოები გრძელდება



დედოფლისწყაროს მუნიციპალიტეტში დაწყებული ინფრასტრუქტურული პროექტები წარმატებით მიმდინარეობს. უკვე რამდენიმე ხანია, სოფელ ქვემო ქედში დაიწყო გზის რეაბილიტაცია. ამავე სოფელში წყალგაყვანილობის ახალი სისტემის მშენებლობა დაიწყო. ასეთი სახის სამუშაოები მიმდინარეობს სოფელ არხილოსკალოშიც.

ამავე სოფელში დასასვენებელი პარკიც მალე ახალ იერ-სახეს მიიღებს და ახალგაზრდების საყვარელ ადგილად იქცევა.

ხორნაბუჯში მიმდინარე გზის სარეაბილიტაციო სამუშაოები მუნიციპალიტეტის გამგებელმა ირაკლი შიოლაშვილმა და სოფლის რწმუნებულმა ტარიელ ღარიბაშვილმა მოინახულეს.

წნორი-დედოფლისწყაროს საავტომობილო გზის 24-30 კმ (ეგრეთ წოდებული ცალმხრივების) მონაკვეთზე სარეაბილიტაციო სამუშაოები დაიწყო. აღნიშნული პროექტით დაგეგმილია შირაქის ქუჩის გავლით სოფელ სამრეკლოს შესახვევამდე არსებული გზის სრული რეაბილიტაცია.



# ცხოვრება ხელეების გარეშე

ინტერნეტით ერთ დედოფლისწყა-როელ აბიტურიენტს ვესაუბრები. გაკვირვებას მისგან პირველივე წერილის მიღების შემდეგ გამოვხატავ. ვინტერესდება, მართლა თვითონაა, თუ სხვა მწერს. აბიტურიენტი ყველასგან განსხვავებულია, (ყოველ შემთხვევაში, ვისაც მე ვიცნობ, მათ შორის). ჩემი დაბნეულობით ისიც გაკვირვებულია, მაგრამ ვუხსნი, რომ ვერ ვიჯერებ, რანაირად ახერხებს კომპიუტერთან ჯდომას, ინტერნეტში შესვლას და მითუმეტეს, წერილის გაგზავნას... მიხსნის, რომ კომპიუტერში წერილს ფეხის თითებით წერს. არ გეგონათ, ჩემი რესპონდენტი სატელევიზიო შოუ „ნიჭიერის“ მონაწილეების მსგავსად, უჩვეულო ნიჭით და უნარ-ჩვევებით გამოირჩეოდეს და ფეხის თითებით ვინმეს გასაცემად წერდეს. უბრალოდ, სხვა შესაძლებლობა არ აქვს, სხვაგვარად წერას ვერ მოახერხებს.

წლების წინ სწორედ გაზეთ „შირაქიდან“ გავიგე, რომ ამ ბავშვს ცხოვრება ორივე ხელის გარეშე უნედა. თუმცა, სოფელ არბოშიკში მცხოვრები გიორგი ხიზანიშვილი ფიზიკური ნაკლით არ დაბადებულია. სრულიად ჯანმრთელმა 9 წლის ასაკში მორიგი ბავშვური ანცობის დროს ორივე ხელი უბედური შემთხვევის დროს დაკარგა.

გიორგი რამდენიმე დღის წინ სტუდენტი გახდა. ის სწავლას თბილისის სასულიერო აკადემიაში, ქრისტიანული ხელოვნებათმცოდნეობის ფაკულტეტზე გააგრძელებს. მაინტერესებს, როგორ ახერხებს ხელების გარეშე განათლების მიღებას, დამოუკიდებლად გადაადგილებას, საკვების მიღებას და ა.შ. დღევანდელ ყოფა-ცხოვრებაში სირთულეების გადალახვა სრულიად ჯანმრთელ ადამიანებსაც უჭირთ, მით უფრო, საინტერესოა, როგორია ცხოვრება ხელეების გარეშე. ამიტომაც ცნობისმოყვარეობას ვერ ვიოკებ, უამრავ კითხვას ვუსვამ და იქვე ბოდიშს ვუხდით, რომ უხერხული კითხვების დასმა მინევს. თემა ჩემთვის იმდენად მძიმეა, თავს ვერ ვაბამ, არ ვიცო, საიდან დავიწყო. აქვე გამოგი-

ტყდებით, მასალის მომზადება ასე არასოდეს გამჭირვება.

ჩემდა გასაკვირად, რესპონდენტი ძალიან გულწრფელი, კომუნიკაბელური და გახსნილი აღმოჩნდა, საუბრის დაწყებამდე უფრო სხვაგვარად წარმომედგინა. გიორგიმ მომხდარზე ღიად ისაუბრა და არც დეტალების გახსენებას მიერიდა.


გიორგი ხიზანიშვილი: „ტაძარში პატარაობიდან ხშირად დავდიოდი, მერე ჩემი ცხოვრება რადიკალურად შეიცვალა (ხელებს ვეულისხმობ). ამის გამო რთული პერიოდი მქონდა და აღარც ეკლესიაში დავდიოდი. ზოგადად, ამ დროს ძალიან ჩავიკეტე. მერე რაღაც პერიოდის შემდეგ ისევ დავიწყე სარული და არბოშიკის კვირიკეს ტაძრის მოძღვარმა მამა ლევანმა შემომთავაზა, რადგან ტაძარში ხშირად დადიხარ, შეგმოსავო. გამიჭირდა ამ ნაბიჯის გადადგმა, მაგრამ მაინც დავთანხმდი. სტიქაროსნობა ჩემთვის ღვთის დიდი საჩუქარია და მე ამით ბედნიერი ვარ. დიდი პასუხისმგებლობა უნდა გაგაჩნდეს, თან არ ვიყავი მზად ამისთვის, სრულიად მოულოდნელი იყო ჩემთვის.“

**ვიცი რთულია, მაგრამ იქნებ შეეცადო, მომხდარ გაიხსენო...**

2003 წლის 30 დეკემბერი იყო და ბიძასთან ვიყავი წასული. მე და ჩემი და ვთამაშობდით, იქვე იყო ტრაქტორი,

შეგუება?

- ეს ჩემთვის ძალიან მძიმე იყო, მქონდა გაუცხოება. საზოგადოებასთან ყოფნა არ მიყვარდა. როდესაც ყველა მე მიყურებდა და ჩურჩულებდნენ, ვლიზიანდებოდი. ამიტომ, საზოგადოებაში გასვლას ვერიდებოდი. ასევე, თანატოლი ბავშვების მიმართ ძალიან აგრესიული ვიყავი. გულწრფელად რომ გითხრა, თავის ხელში აყვანა ძალიან



**„ბავშვობის ოცნებაა ფორტეპიანოზე დაკვრა და ცეკვა!.. ვგიჟდები ისე მინდა, მაგრამ ვეგუები, რომ ვერ ვახერხებ“**



დღემდე ყველა მესმარება კვების დროს, სამსახურად, ბევრ რამეს სხვა ადამიანების მსგავსად, დამოუკიდებლად ვერ ვახერხებ და დამხმარე მჭირდება.

**- მოდი, გულწრფელად მითხარი, რაში გაფერხდეს, რისი გაკეთება გინდა ყველაზე მეტად და ხელების გამო ვერ ახერხებ?**

- პირველ რიგში, ჩემი ბავშვობის ოცნებაა ფორტეპიანოზე დაკვრა და ცეკვა!.. ვგიჟდები, ისე მინდა ამას ვახერხებდე, მაგრამ ვეგუები, რომ ვერ ვახერხებ. სხვა არაფერზე ისე არ მწყდება გული, როგორც ამაზე. ასევე, წერა მიყვარს და ხელების გამო ვერ ვწერ, თუმცა სხვათაშორის, ფეხის თითებით თავისუფლად ვწერ. ალბათ, ყველაფერი მიწვევია. ისე გავიწყდა ფეხით წერაში, აღარ მიჭირს და უკვე სწრაფად ვახერხებ. ნოუთუქი მაქვს, იატაკზე ვდებ და ასე შევდივარ ინტერნეტში.

**- სულ ახლახან გაირკვა, რომ უკვე სტუდენტი გახდი, რა ნიშნით აარჩიე მომავალი პროფესია?**

- ქრისტიანული ხელოვნებათმცოდნეობაა, რაზეც მე ჩავაბარე, პატარაობიდანვე ძალიან მიყვარდა. სკოლაში ხელოვნების გაკვეთილები ყოველთვის განსაკუთრებულად მაინტერესებდა, კარგად ვსწავლობდი და 10-იანებსაც ვიკლებდი. ამჯერად ყველა გამოცდა ჩავაბარე და ნორმალური შედეგი მაქვს. დიდი ენთუზიაზმით ვიწყებ სტუდენტობას, ვიცი, რომ სწავლის დასაწყისთანვე სემინარის ახალი სტუდენტები საქართველოს პატრიარქს შევხვდებით.

**- თავდაპირველად, მახსოვს პროთეზები გქონდა...**

- პროტეზები პირველად ერთ-ერთმა ფონდმა დამიფინანსა, მეორედ კი სახელმწიფომ. პირველად 1 ხელი გამოიკეთეს და ისიც ორკაპი, თუმცა, ძალიან პრიმიტიული იყო. თითქმის, ვერაფერს ვაკეთებდი და მეორედ ორივე ხელი დამიმონტაჟეს, მაშინ კი მხოლოდ ჭამას ვახერხებდი.

**- ახლა უკვე, როცა მომხდარს აანალიზებ, რა განცდა გაქვს?**

- ძალიან ბუნებრივად ვუყურებ იმ ფაქტს, რაც შემემთხვა. ვთვლი, რომ ეს ასე უნდა ყოფილიყო.

ილია მარტყოფილი

**რაც მთავარია, კომპლექსი დავძლიე. ჩემთან ერთად ამ ფაქტს ყველა შეეგუა და მეც ისეთი სრულყოფილი ადამიანი გავხდით, როგორც მანამდე.**



საიდანაც წყალს ტუმბავდნენ. ამ დროს ჯოხი ძირს დავცა, დავაპირე ამომეღო და ტრაქტორის ნაწილმა ჩამითრია. მეორე ხელი მივახმარე და ისიც ჩაითრია. სამწუხაროდ, ორივე კიდურის ამპუტაცია გახდა აუცილებელი და დღეს არც ერთი ხელი აღარ მაქვს.

**- რამდენად რთული აღმოჩნდა ახალ რეალობასთან**

გამიჭირდა.

**- ვისი თანადგომა დაგეხმარა, საკუთარ თავში კომპლექსი დავძლიე?**

- ამის დაძლევაში, ძირითადად, ჩემი მშობლები, ახლობლები და რაც მთავარია, მეგობრები დამეხმარნენ. ასევე დიდი როლი ითამაშა ეკლესიამ და ჩემმა სულიერმა მოძღვარმა. რაღაც პერიოდის შემდეგ მივხვდი, რომ ასე გაგრძელება არ შეიძლებოდა და ამ ადამიანების გვერდში დგომით ვითარების დაძლევა შევძელი. ჩემი ცხოვრება რადიკალურად შეიცვალა. ჩვეულებრივი ურთიერობა დავიწყე მეგობრებთან და ყველასთან... რაც მთავარია, კომპლექსი დავძლიე. ჩემთან ერთად ამ ფაქტს ყველა შეეგუა და მეც ისეთი სრულყოფილი ადამიანი გავხდით, როგორც მანამდე. თუ შეიძლება ითქვას ასე...

**- საინტერესოა, განათლების მიღებას როგორ ახერხებ ხელების გარეშე?**

- სკოლაში ჩანთა ყოველთვის დამქონდა. ბოლო წლებში იქ კი კლასელები და მასწავლებლები მესმარებოდნენ. ნივთების მოხმარებას მათი დახმარების გარეშე, დამოუკიდებლად, ცხადია, ვერ შევძლებდი. სახლში კი ამ ყველაფერში მშობლები მესმარებოდნენ და მეც ჩვეულებრივ ვწერდი დავალებებს და ა.შ.

## განათლების სამინისტრო - რეგიონებში 9 ახალი სკოლის მშენებლობა დაიწყება

საქართველოს განათლებისა და მეცნიერების მინისტრის თამარ სანიკიძის განცხადებით, რეგიონებში ცხრა ახალი სკოლა აშენდება, მათ შორის საგარეჯოს რაიონის სოფელ ლამბალოშიც, სადაც სწავლა უკვე ექვსი წელია ბოსულში მიმდინარეობს. მინისტრის განცხადებით, სამშენებლო სამუშაოების დაწყება 2013 წლის ნოემბრის ბოლოდან იგეგმება.

სამინისტროს ინფორმაციით, ლამბალოს გარდა, დანარჩენი რვა ახალი საჯარო სკოლა შემდეგ სოფლებში აშენდება: ქარელის რაიონის

ნის სოფელ აბანოში სკოლა 90 მოსწავლეზე; თეთრწყაროს რაიონის სოფელ სამღერეთში სკოლა 144 მოსწავლეზე; ზესტაფონის რაიონის სოფელ სადგურ სვირში სკოლა 120 მოსწავლეზე; მარნეულის რაიონის სოფელ ახალ დიკონისში სკოლა 144 მოსწავლეზე; მცხეთის რაიონის სოფელ მუხრანში სკოლა 240 მოსწავლეზე; ჩოხატაურის რაიონის სოფელ წიფნარში სკოლა 60 მოსწავლეზე; მცხეთის რაიონის სოფელ ნილკანში სკოლა 450 მოსწავლეზე; ახალქალაქის რაიონის სოფელ

ბულაშენში სკოლა 120 მოსწავლეზე.

სამინისტროს ცნობით, ამ ეტაპზე დასრულებულია სამი სოფლის ლამბალოს, სამღერეთისა და ახალი დიკონისის საჯარო სკოლების საპროექტო სამუშაოები, ასევე პროცესშია საპროექტო და მოსამზადებელი სამუშაოები დანარჩენ ექვს სკოლაში.


„გვემის თანახმად, ნილკანის, მუხრანისა და აბანოს საჯარო სკოლები კონტიგენტს უკვე მომავალი სასწავლო წლიდან მიიღებენ. ხოლო 2014 წლის ბოლოს დასრულდება

ბულაშენის, ახალი დიკონისის, სამღერეთის, სადგურ სვირისა და წიფნარის საჯარო სკოლების მშენებლობაც. რაც შეეხება სოფელ ლამბალოს საჯარო სკოლას, პროექტის მასშტაბიდან გამომდინარე, სამუშაოები წელიწადნახევარს გასტანს. სამინისტრო აღნიშნულ სამოქმედო გეგმებს ცხრავე სოფლის მოსახლეობას ადგილზე გააცნობს“, — განაცხადა მინისტრმა.

სკოლების ასაშენებლად სახელმწიფო ბიუჯეტიდან 23 მილიონი ლარი გამოიყოფა.



# სკოლა



შემდეგ კი მოდის სკოლა, სადაც ჯერ კიდევ ბევრი რამაა გასაკეთებელი... ერთი შეხედვით კომფორტული პირობების მიღმა სათანადო ყურადღება არ ექცევა მოზარდის აღზრდას... მოზარდის ფსიქოლოგიაზე საერთოდ არ მუშაობენ, ხშირია ძალადობის ფაქტები, როგორც მასწავლებელთა მხრიდან, ასევე მოზარდთა შორისაც. სკოლის დამთავრების შემდეგ ხშირ შემთხვევაში მოზარდი ყალიბდება როგორც პოტენციური კრიმინალი. ფაქტი სახეზეა: ქვეყანაში საგანგაშო სიტუაციაა: ახალგაზრდების თითქმის ნახევარი ან უკვე ნასამართლევი, ან ეხლა მოხვდნენ ციხეში. როგორ უნდა გაუმოსწოდეს არსებული სიტუაცია და რა არის ამისთვის საჭირო? ფსიქოლოგები ამბობენ, რომ პრობლემის მოგვარებისთვის საჭიროა სამივე რგოლის-სკოლის, ოჯახისა და საზოგადოების გაერთიანება და თანამშრომლობა.

ისმის კითხვა: როგორ უნდა თანამშრომლობდეს ოჯახი, სკოლა, საზოგადოება?

ბავშვები სკოლაში ცოდნითა და უკვე შექმნილი უნარ-ჩვევით მოდიან. მათ გარკვეული წარმოდგენა აქვთ ქცევის წესებზე, სოციალურ წეს-ჩვეულებებზე და სხვებთან ურთიერთობის დასამყარებლად ერთგვარი სტრატეგიაც გააჩნიათ. ინდივიდის ჩამოყალიბების საფუძველი, როგორცაა საკუთარი "მე" შეგრძნება და სამყაროსადმი დამოკიდებულებაც უკვე ამ ადრეულ წლებში ყალიბდება. მშობლები ბავშვის პირველი მასწავლებლები არიან.

რა ქმნის ოჯახს? დღევანდელ ცვალებად საზოგადოებაში ოჯახურ ერთობას მრავალნაირად საზღვრავენ. ოჯახები ისევე განსხვავდებიან ერთმანეთისაგან, როგორც ამ ოჯახის წევრები. ოჯახს დიდი მნიშვნელობა ენიჭება, რადგანაც მას ბავშვზე უდიდესი ზემოქმედების მოხდენა შეუძლია. მშობლები ბავშვისთვის პირველ

ტი მაგალითია, ვისგანაც მათ პრობლემის გადაჭრის, თანამშრომლობისა და გამოცდილების გაზიარების გადმოღება შეუძლიათ. მშობლები გამიზნულად მოძღვრებენ თავიანთ შვილებს, რომ ისინი ოჯახისა და შემდეგ, საზოგადოების წევრები გახდნენ. ყველა ოჯახს წარმატება და ბედნიერება სურს საკუთარი შვილებისათვის. მშობლებს შეუძლიათ განაპირობონ საკუთარი შვილების წარმატება მათი ინტერესების გათვალისწინებით და მათში იმ თვისებების დაფასებით, რომლებსაც საკუთარ თავში აფასებენ. მშობლები თავიანთი შვილებისთვის ისეთსავე ფართო მიზნებს ისახავენ, რასაც მასწავლებელი ყველა ბავშვის წინაშე აყენებს.

მშობლებსა და სკოლას ერთობლივი პასუხისმგებლობა აკისრიათ ბავშვისათვის წარმატების მომტანი გარემოს შექმნაში და ზრდა-განვითარების ყველა სფეროში. სკოლა ის ადგილია, სადაც მასწავლებელი და მშობელი ერთად იმუშავენ. გამოკვლევებმა გვიჩვენა, რომ ასეთი ერთიანობა ხელს უწყობს ბავშვის ზრდას, როგორც პიროვნული, ასევე აკადემიური მოსწრების

პასუხისმგებელი თითონაცაა, თავს არიდებს სკოლის კოლექტივთან ერთად მონახოს ამ პრობლემის გადაჭრის გზები და საშუალებები. მშობელს არ სურს გააცნობიეროს, რომ საკუთარი შვილის, სკოლის ცხოვრების ნაწილია და საზოგადოებრივი ერთობის წევრობის შეგრძნება საკუთარ სახლშიც დაამკვიდროს.

ჩვენ ყველამ ვიცით, რომ ადამიანი ოჯახში იღებს ყველაფრის საწყისს. ოჯახში ყალიბდება იგი როგორც პიროვნება. ისიც ვიცით, რომ ზნეობრივად განვითარებული ოჯახები ქმნიან ზნეობრივად განვითარებულ საზოგადოებას, რომლისგანაც შესაბამისად იქმნება ზნეობრივი სახელმწიფო. ამიტომაც, გააძლიერო ოჯახი საფუძველი და საყრდენი საზოგადოებრივი და სახელმწიფოებრივი ცხოვრებისა. ცალკეული ოჯახების კეთილზნეობრივ ცხოვრებაზე დამოკიდებული საზოგადოებრივი და სახელმწიფოებრივი ცხოვრების კეთილი წყობაც და წესრიგიც.

ამრიგად, ჩვენს სახელმწიფოში შექმნილი გაურკვეველი და არამდგრადი მდგომარეობა, ქაოსი, უპიკიდურეტი გაჭირვება საოცრად

# ოჯახი



აღრი, როცა საძარბოვლოს რომელიმე კუთხეს მტარი შემოესაძრება, ზარბაზს შემოჰკარავდნენ ხოლმე, მთაში კი კოცონს ანთებდნენ, რომ ერთი მთის წვეროდან მეორე კოცონზე მჯდომი ღარბაზს შეემჩნია მოსალოცავი საშიშროება.

დღეს ერთი ამგვარი მტარი აზსტრატული ცნობაა, კერძოდ, ერის მამოძრავებელი ღერძის — მოზარდების ზნეობრივი გაღაბვარების საშიშროება. ეს საშიშროება ძალიან რეალურია და თავიდან ვერ ავიცილებთ, თუ ძალიან გონივრულად არ მივუძღვით ამ საკითხს. ჩვენი დღევანდელი მოვალეობაა კოცონის დათობა, ზარბაზის დაუღალავი რეკვა.

ამ პრობლემის გაჩენასა და მოუგვარებლობაში ოჯახსა და სკოლასაც მიუძღვის ბრალი (თუმცა, რა თქმა უნდა,

გადამწყვეტი მნიშვნელობა აქვს ხელისუფლების ძალისხმევას, რადგან მის ხელშია ამ პრობლემის მოგვარებისათვის საჭირო თითქმის ყველა ბერკეტი).

რატომ დავინყე ასე შორიდან?

მთელ საქართველოში და მათ შორის რეგიონებშიც, იგივე საზოგადოებას ძალიან კარგად შეუძლია განსაჯოს, გაკიცხოს ვინმე... მაშინ, როცა თავადაა ამ ყველაფრის მონაწილე. ჩვენ თავად ვუშავებთ ჩვენს შვილებს, ნებისთუ უნებლიეთ. ცხადია, ეს ყველაზე არ იქნება, მაგრამ საკმაოდ ბევრია ისეთი შემთხვევა, როდესაც მშობელი სახლში, შვილების გასაგონად, მათი თანდასწრებით არასწორ ღირებულებებს მიიჩნევს ნორმად. სწორედ აქ იწყება ბავშვის მიმართ ჩადენილი პირველი დანაშაული.

# საზოგადოება



თვალსაზრისით. სკოლას და სახლს შორის დამყარებული პოზიტიური, მეგობრული ურთიერთობა ყველა ბავშვისთვის სარგებლის მომტანია. მოსწავლე უნდა გრძნობდეს, რომ პასუხისმგებლობა მის კეთილდღეობაზე, აკისრია, როგორც სკოლის კოლექტივს, ასევე მშობლებს.

დღევანდელი საყოველთაო საყოფაცხოვრებო პრობლემებიდან გამომდინარე, ურთიერთ კავშირი სკოლა-ოჯახი-საზოგადოება ირღვევა. მშობელი ნაკლებად იცლის სკოლასთან თანამშრომლობისათვის. მათი ინერტულობა მასწავლებელს არ აძლევს საშუალებას სხვადასხვა საინტერესო საქმიანობები და პროექტები განახორციელოს, რაც მოსწავლეებთან მომუშავე ერთი მოზრდილი ადამიანისათვის შეუძლებელია. მშობლების მონაწილეობა სასწავლო პროცესის წარმართვაში იძულებითია. ძნელად გადასაჭრელი პრობლემის წარმოშობისთანავე მთელ პასუხისმგებლობას მშობელი სკოლის დირექციას და მასწავლებლებს აკისრებს. თუმცა, ერთ-ერთი ძირითადი

ზღაპრული სიმდიდრის ფონზე, სასონარკვეთა და უიმედო განწყობა - ცალკეული ოჯახების დამსახურებაა. შეიძლება შემედავოთ და მითხრათ, გარემო და ქვეყანა გვაქვს ასეთი, ჩვენ რა შუაში ვართო, მაგრამ სწორედაც რომ შუაში ვართ, რადგან გარემოსაც და ქვეყანასაც ხომ ჩვენ ვქმნით. ჩვენმა წინაპრებმა თავიანთი აზროვნებითა და ცხოვრების წესით უკვე შექმნეს ეპოქები და დავიტირებს ის ისტორიები, რომლითაც დღემდე ვამაყობთ და რომლითაც მოვედით, მოვალნიეთ თანამედროვეობამდე. ახლა კი ჩვენი ჯერია. ჩვენზე დამოკიდებული, თუ როგორი იქნება ჩვენი მომავალი თაობა. ყოველ შემთხვევაში, წარსულის ღრმა ცოდნა და ხშირი გახსენება რომ აუცილებლად გვესაჭიროება, ამაში ორი აზრი არ არსებობს და, არათუ მარტო ცოდნა ისტორიისა, არამედ, არ დავინყება, გათვალისწინება და ცხოვრების წესად დანერგვა წარსული ღირებულებებისა.

მასალა მოამზადა ინგა შიროლაშვილმა

# 21 სექტემბერი ღვთისმშობლის შობის დღეა

უფალმა, ადამის მოდგმა რომ ეხსნა, კაცობრივი ბუნების მიღება ინება და დედად ყოვლადწმინდა ქალწული მარიამი გამოირჩია.

ძველი აღთქმის წიგნებში ბევრგან გვხვდება წინასწარმეტყველება ღვთისმშობლის შესახებ. ეზეკიელ წინასწარმეტყველებს იგი დახშულ ბჭედ ეჩვენა: „რომელი არავინ განვლო, გარნა ღმერთთან და დახშული ჰქვის ბჭე იგი“ (ეზ. 44:2); დანიელ წინასწარმეტყველი ამბობდა: „მთისაგან ლოდი თვინიერ ხელისაგან კაცისა გამოკუთვილი“ (დან. 2:34), რაც იესო ქრისტეს უმახიკაცოდ შობას გულისხმობდა, ხოლო ესაია ლაღადებდა: „აჰა ესერა ქალწული მიუდგეს და შვეს ძე“ (ესაია 7:14).

მოსემ ღვთისმშობელი შეუწვევლ მაცულოვნად იხილა სინას მთაზე, გედეონმა - სანმისად, დავითმა - ტარიგად, ოსე წინასწარმეტყველმა უხრწნელ ქალწულად ჰქადაგა, ეზეკიელმა - სინმინდის ბჭედ, დანიელმა - შეურყეველ მთად, ესაიამ - იესეს ძირად.

ქრისტეანულ ლიტურატურაში არსებობს იაკობის აპოკრიფული თხზულება „შობა მარიამისა“ (აპოკრიფი ბერძნული სიტყვაა და „დაფარულს“ ნიშნავს. მოგვიანებით ეს სახელი ეწოდა არაკანონიკურ წიგნებს, თუმცა ზოგიერთ აპოკრიფულ თხზულებას წმინდა ეკლესია იწყნარებს, თუკი მათი თხრობა არ ეწინააღმდეგება ეკლესიის სწავლებას), რომელიც დანვრილებით მოგვითხრობს, თუ როგორ შეეძინათ იოაკიმესა და ანას მომავალი მშობელი განკაცებული უფლისა.

ყოვლადწმინდა ქალწული გალილეის პატარა ქალაქ ნაზარეთში დაიბადა. მისი მამა, მართალი იოაკიმე, დავით მეფის ტომიდან იყო, ხოლო დედა, მართალი ანა, პირველი მღვდელმთავრის აარონის შთამომავალი გახლდათ. ღვთისმშობი ცოლ-ქმარს შვილი არ ეძლეო-

ლეთაგან მრავალ უსამართლო ყვედრებას ისმენდნენ. ერთ-ერთ დღესასწაულზე მართალი იოაკიმეს იერუსალიმის ტაძარში უფლისათვის მსხვერპლის შეწირვა სურდა, მაგრამ მღვდელმთავარმა უარი უთხრა. მოხუცი ღვთისმშობი იოაკიმეს, უდაბნოს მიაშურა და ორ-

ტობულ იოაკიმესაც აუწყა, რომ ღმერთმა მისი ვედრება შეისმინა და მალე მემკვიდრე შეეძინებოდა. გავიდა ხანი და ანამაც იმშობიარა. მას ქალიშვილი შეეძინა, რომელსაც მარიამი უწოდეს.

უხესთაესი სერაფიმთა“.

ყოვლადწმინდა ღვთისმშობელი ყველას შემწე და მეოხია, მაგრამ საქართველოსა და ქართველებს იგი განსაკუთრებით მფარველობს. ეს იმიტომ, რომ, საღვთო გადმოცემის თანახმად, ივერთა ღვთისმშობლის წილხვედრია. როცა მოციქულები წილს ყრიდნენ, ვის რომელ მხარეში ექადაგა ქრისტეს რჯული, ღვთისმშობელს საქართველო ხვდა წილად, მაგრამ დედაღვთისას უფალი გამოეცხადა და აუწყა, არ დაეტოვებინა იერუსალიმი, ვინაიდან მოახლოებული იყო მისი მიძინება, და ისიც აღუქვა, რომ მისი წილხვედრი მინა მომავალში გაბრწყინდებოდა. ასე რომ, ღვთისმშობლის ნაცვლად საქართველოში ანდრია პირველწოდებული გამოგზავნეს.



შობა ყოვლადწმინდა ქალწულისა მარიამისა, ვინც თავისი უმანკო სხეულით განკაცებული უფალი იხვირთა, ქრისტეანთა ერთ-ერთი უდიდესი დღესასწაულია. ღვთისმშობელმა თავისი სინმინდითა და სათნოებით არა მხოლოდ ყველა მოკვდავს, ყველა ანგელოზსაც გარდაამეტა, ღვთის ცოცხალ ტაძრად იქცა, როგორც

და. ასე მიაღწიეს მათ ხანდაზმულობამდე, მაგრამ იმედი არ დაუკარგავთ, რომ ღმერთი, რომლისთვისაც არაფერია შეუძლებელი, შვილს მომადლებდა მათ. იოაკიმემ და ანამ აღთქმა დადეს, რომ ახალშობილს ტაძარში მსახურებისათვის უფალს მიუძღვნიდნენ. ებრაელები უშიგლობას ღვთის სასჯელად მიიჩნევდნენ, ამიტომ იოაკიმე და ანა თანამემამუ-

მოცი დღე მარხვასა და ლოცვაში გაატარა. უფალმა შეისმინა ცოლ-ქმრის ვერდება. მთვარანგელოზმა გაბრიელმა ანას აცნობა, რომ იგი მალე დედა გახდებოდა, ხოლო მისი ნაშობი განდიდდებოდა. გახარებულმა ქალმა მადლიერების ნიშნად მაშინვე აღთქმა დადო, რომ ბავშვს უფალს შესწირავდა. ანგელოზმა უდაბნოში განმარ-

მას წმინდა მართლმადიდებელი ეკლესია უგალობს, გახდა „ზეციური ბჭე, რომლითაც ქრისტე ამქვეყნად მოვიდა ჩვენს სულთა სახსენლად“. ყოვლადწმინდა ღვთისმშობელი ზეციურ იერაქიაში თვით უმაღლესი დასის ანგელოზებზე მაღლა დგას. როგორც მისდამი მიძღვნილ ერთ-ერთ საგალობელშია, „უპატიოსნესი ქერუბიმთა და აღმატებით

შობის შობას მართლმადიდებელი ეკლესია 21 (ძვ. სტ. 8) სექტემბერს დღესასწაულობს. ამ დღეს ტაძრებში საგანგებო საგალობლებს ალავეენენ - ადიდებენ ყოვლადწმინდა ქალწულს, ვითარცა კიბეს, რომელამც ცა და დედამიწა შეაერთა, როცა ხორცილად შვა უფალი, და ვითარცა „მაცყალს შეუწვევლს“, რადგან დაიჭია ღმერთი და არ დაინვა.

## სახალისო ფეხბურთის სკოლა დედოფლისწყაროში

2013 წლის 6 სექტემბერს, დედოფლისწყაროს მუნიციპალიტეტის ცენტრალურ სტადიონზე გაიხსნა სახალისო ფეხბურთის ღია სკოლა. სკოლის გახსნა არის იმ ჰუმანიტარული პროექტის შემადგენელი ნაწილი, რომელსაც ახორციელებს და სპონსორობას უწევს საერთაშორისო ფეხბურთის ფედერაცია, უეფა, დანიის, ნორვეგიის, შვედეთის, ფინეთის მთავრობები და საქართველოს ფეხბურთის ფედერაცია. პროექტის ხელმძღვანელია ანდერს ლევიუსონი.



ღონისძიებაში მონაწილეობს სხვადასხვა ეროვნების, 7-დან 12 წლამდე ასაკის, 200 მოზარდი. პროექტი ემსახურება ცხოვრების ჯანსაღი წესის დამკვიდრებას, სოციალური საკითხების მოწესრიგებას, ბავშვთა ჩართულობას სპორტის სხვადასხვა სახეობაში. სახალისო ფეხბურთში მონაწილეობს 12 გუნდი. ყველა გუნდს ჰყავს მწვრთნელი, რომლებმაც მიმდინარე წლის აგვისტოში, ქალაქ ზუგდიდში, გაიარეს ტრენინგები.

რეგიონის პროექტის ხელმძღვანელია ვალერი ჩოლარია. დედოფლისწყაროში, სახალისო ფეხბურთის ღია სკოლის გახსნას სტუმრობდნენ: შიდა ქართლის რეგიონალური ფეხბურთის ფედერაციის პრეზიდენტი, საქართველოს ფეხბურთის ფედერაციის აღმასკომის წევრი, პროექტის ინსტრუქტორი გია რევაზიშვილი, კახეთის ფეხბურთის ფედერაციის

პრეზიდენტი, საქართველოს ფეხბურთის ფედერაციის აღმასკომის წევრი, პროექტის ინსტრუქტორი ბატონი გოჩა როსტომიშვილი, ღია სკოლების ამიერკავკასიის ინსპექტორი მაცი კვარაცხელია და შიდა ქართლის რეგიონალური ქალთა ფეხბურთის პრეზიდენტი ელენე გიორგაძე. სახალისო ფეხბურთის ღია სკოლის გახსნას ესწრებოდნენ:

დედოფლისწყაროს მუნიციპალიტეტის საკრებულოს თავმჯდომარე ლევან ნატროშვილი, მუნიციპალიტეტის გამგებელი ირაკლი შიოლაშვილი, გამგებლის მოადგილე აკაკი ნატროშვილი, გამგეობის განათლების, კულტურის სპორტის, ძეგლთა დაცვისა და ახალგაზრდობის საქმეთა სამსახურის უფროსი თამარ თამაზაშვილი. საპა-


პოლიციის წარმომადგენლებმა, მონაწილე ბავშვებს, საგზაო მოძრაობის ნიშნები გააცნეს. ღონისძიება მიმდინარეობს დედოფლისწყაროს მუნიციპალიტეტის კულტურისა და სპორტის ცენტრის თანადგომით. ორგანიზებას უწევს ცენტრის მწვრთნელები - ზურაბ ჩალაბაშვილი და კაკო მაჩაბლიშვილი.

უახლოესი მეზობლები: გოჩა ნატროშვილი, გელა გველეჯაშვილი, ომარ ჩალაბაშვილი, რაია ბაცაძე, მედიკოსი მჭედლოშვილი ოჯახებით სამიძიარს უცხადებენ მაია, ჭაბუკი და ქეთიონ ალუღიშვილებს - დედის  
ცირას  
გარდაცვალების გამო.

დედოფლისწყაროს მუნიციპალიტეტის ბიბლიოთეკის თანამშრომლები იუნყებთან ყოფილი თანამშრომლის  
ცირა ალადაშვილის  
გარდაცვალებას და თანაგრძნობას უცხადებენ განსვენებულის ოჯახს.

შპს „სალზუნის ფარმა“ (ყოფილი ცენტრალური აფთიაქი) იუნყება ყოფილი თანამშრომლის რუიზან ფიცხვერაშვილის გარდაცვალებას და სამიძიარს უცხადებს განსვენებულის ოჯახს.

# კროსვორდი



**ვერტიკალურად:** 1. ქალაქი საქართველოში, ჯავახეთის ზეგანზე. 2. ღვინისა და ლხინის ღმერთის დღეობა ძველ საბერძნეთში. 3. სიყვარულის ქალღმერთი რომაულ მითოლოგიაში, ხოლო ძველ რომაულ მითოლოგიაში გაზაფხულის ბაღებისა და ყვავილების ქალღმერთი. 4. მეათე საუკუნის სპარსული პოეზიის წარმომადგენელი. 5. მცირე ზომის ფიცრის პატარა მაგიდა. 6. აკვიატებული იდეა. 8. მეფე ოიდიპოსის ასული ძვ ბერძნული მითოლოგიის მიხედვით. 12. ცალნახადი, სუსტი არაყი. 14. ლოყებზე დატოვებული და ნიკაპზე ამოსული წვერი. 17. გარკვეული მიზნით, ან თვალსაზრისით შერჩეული თემების ერთობლიობა (მწერლის, მეცნიერის, შემოქმედების პერიოდული გამოცემების და ა.შ.) 18. ნახევარკუნძული, რომელსაც გამოკვეთილი ჩექმის ფორმა აქვს. 19. კენკროვანი მცენარე. 20. რადგანაცაო, რაკიო, ესაო და... 21. საპაერო ფლოტი, საფრენი მანქანების ერთობლიობა. 22. მდინარე აღმოსავლეთ საქართველოში, ბორჯომისა და წალკის რაიონებში.

**ჰორიზონტალურად:** 4. სინამდვილის იმიტირების მიზნით შექმნილი საგანი. თეატრალურ სპექტაკლში ნამდვილი საგნების ნაცვლად გამოიყენება. 7. ყველაზე სწრაფი თევზი, რომელსაც შეუძლია განავითაროს 130 კმ.სთ. 9. ფრჩხილის საღებავი. 10. რუსი მსახიობი ქალი, 20-საუკუნის ოცინა წლებში მოსკოვის სამხატვრო თეატრის გასტროლების დროს დარჩა აშშ-ში, ოლგა... 11. გერმანიის საფეხბურთო კლუბი. 13. რთული სიტყვების პირველი შემადგენელი ნაწილი, რომელიც მნიშვნელობით „ნიგნს“ შეესატყვისება. 15. ძველი ბერძნული მითოლოგიის თანახმად, მესამე მოირა, სიკოცხლის ძაფის გადამჭრელი. 16. თევზის კვერცი. 18. დიდი რაოდენობით ენერჯის განთავისუფლება შეზღუდულ მოცულობაში დროის მცირე მონაკვეთში. 23. მეხიკოს მთავარი სტადიონი მსოფლიოს ერთ-ერთი მნიშვნელოვანი სპორტული არენა. 24. ალექსანდრე მაკედონელის ცხენის სახელი. 25. ქალაქი ეგვიპტეში, ეგვიპტის 5 უდიდეს ქალაქს შორის მეხუთე. 26. გაბმული ბაკიბუკი. 27. ქვეყანა ჩრდ. ამერიკის ჩრდილოეთ ნაწილში. 28 იგივე ქელები. 29. შეჩვენება.

**„დედოფლისწყაროს საათი“**

**კვირა 17:30**  
განმეორებით 00:30

**ილია მარტყოფლიშვილი**

**მოქაზენა „ოზიექტივი“**

## გიწვევთ უფასო სამედიცინო გამოკვლევებზე

მიმდინარე წლის 14, 15, 16 და 17 სექტემბერს დედოფლისწყაროს გამგეობის შენობის პირველ სართულზე ჩატარდება საქართველოს წითელი ჯვრის საზოგადოების პროგრამით გათვალისწინებული მოსახლეობის უფასო სამედიცინო გამოკვლევა.

მოქალაქეთა მიღება დაიწყება დილის ათი საათიდან.

დედოფლისწყაროს მუნიციპალიტეტის გამგეობა

**ინჟანერო-დეკლარაციების წარდგენა დაიწყო!**

გაცნობებთ, რომ ჩართო ინტერნეტის საშუალებით სასოფლო-სამეურნეო მიწის დეკლარაციების გადაგზავნის პროგრამა, რაც საშუალებას იძლევა მიწის მოსარგებლეთა მიერ 2013 წლის მიწის დეკლარაციების შევსება-გადაგზავნას.

შეგახსენებთ, რომ საგადასახადო კოდექსის მიხედვით მიწის დეკლარაციების ჩაბარების ბოლო ვადაა 2013 წლის 1 ნოემბერი. დეკლარაციების ჩაბარების ვალდებულება ეკისრება ყველა მიწის მფლობელს, რომელსაც შესყიდული, გაყიდული ან შესასყიდი აქვს მის სარგებლობაში არსებული მიწის ნაკვეთი.

დეკლარაციების წარდგენა საშუალებას მისცემს მოსახლეობას დააზუსტოს მასზე არასწორად რიცხვითი გადასახადები, აგრეთვე გაუადვილებს შემდგომში მიწის გამოსყიდვის საშუალებას.

ინჟანერო, დრო შეზღუდულია!  
შპს „ლაზარი“  
ტელ: 591 224495 - გენადი; 593 281146-ნინო; 577 387454- ნატო.

**ყურადღება!**

კაფე-მალაზია „კაპუჩინოს“  
ესაჭიროება გამყიდველი და ტორტების და ნამცხვრების მცხოვრები. უმჯობესია, ჰქონდეს შესაბამისი გამოცდილება. მსურველებმა დარეკეთ 599 65 25 95.

**უ ლ ო ბ ა ვ ე ნ !**

<b>პანიკო ჯაბოდნიშვილს!</b> <b>ანა გულაშვილს!</b> გილოცავთ პირველი ვაჟის საბას დაბადებას, ბედნიერი მშობლები ყოფილიყავით. ახალშობილს კი ჯანმრთელობას და დღეგრძელობას ვუსურვებთ. ღმერთის წყალობა არ მოგკლებოდეთ. ჩვენთვის დიდი სიხარულია პატარა ვაჟკაცის ამქვეყნად მშვიდობიანი მობრძანება, ის ხომ ჩვენთვისაც პირველია, გამრავლდით და გაიხარეთ! <b>პაპები:</b> ნოდარ (მუჰანი) ტყეშელაშვილი, თამაზ, ზურაბი ძეძაძეძი ოჯახებში. <b>ბებია:</b> ნელი ძეძაძე. <b>მამიდები:</b> ნინო, მარი, ბარბარე ტყეშელაშვილები. <b>დღი ბებიები:</b> ფატი და ლუიზა ზურაშვილები.	<b>თამარ კიკნაძეს!</b> <b>ნანა ნადაშვილს!</b> გილოცავთ დაბადების დღეს, იყავით ბედნიერი თქვენს საყვარელ ოჯახებთან ერთად, გვარავდეთ ღმერთი! <b>თქვენი პაპო</b> <b>ლია გამხარავილი.</b>	<b>ვანანა ჭილიტაშვილს!</b> არბოშვილის საჯარო სკოლის პედგოგოლექტივი დაბადების დღეს ულოცავს ქალბატონ მანანა ჭილიტაშვილს. უსურვებს ჯანმრთელობას, წარმატებას პირად და საზოგადოებრივ ცხოვრებაში.	<b>ლალი აბაშიძეს!</b> ჩემო ლალი, გილოცავ დაბადების საიუბილეო თარიღს და ახალი სასწავლო წლის დაწყებას. გისურვებ ჯანმრთელობას, დიდხანს სიცოცხლეს, უღვე სიხარულს შენს ბრწყინვალე ოჯახის წევრებთან ერთად, წარმატებებს პირად ცხოვრებაში და პედაგოგიურ საქმიანობაში. სამწუხაროა, რომ შენს ოუბილეს დედაშენი (ჩემი უახლოესი მეგობარი) რუსულად წერეთელი ვერ დაესწრო და რამდენიმე თვის წინ გარდაიცვალა. ღმერთმა იწებოს და მწუხარებით დაწყებული მიმდინარე წელი სიხარულით დაგითავაროთ - შენი ლამაზი, სათნო და კეთილი ქალიშვილების სათუნასა და ირმას ნიშნობ-ქორწილით გაგხაროთ <b>პატივისცემით, კლარა ოჯახშილი.</b>
--	--	--	---

**ამინდი**

ორშაბათი 16.09 დღე ღამე 21° 20°	სამშაბათი 17.09 დღე ღამე 21° 20°	ოთხშაბათი 18.09 დღე ღამე 22° 21°	ხუთშაბათი 19.09 დღე ღამე 22° 19°	პარასკევი 20.09 დღე ღამე 21° 19°	შაბათი 21.09 დღე ღამე 21° 18°	კვირა 22.09 დღე ღამე 20° 19°
--	---	---	---	---	--	---------------------------------------

გამომცემელი შპს „შირაპი“  
დირექტორი ინგა შიოლაშვილი  
რედაქტორი **ნაირა გორაშვილი-პოპიაშვილი**  
წერილში მოყვანილ ფაქტებსა და ციფრებზე პასუხს ავებს ავტორი.

სარედაქციო კოლეგია: **ლალი მესრიშვილი, ილია მარტყოფლიშვილი (ეურნლისტები);** ულა ხარაშვილი (სტილისტ-მწერელი); ნათია გოსტაშვილი (ბუღალტერი); ნინო ჯანაშვილი (ოფის-მწეველი); მზია ძეძაძე (დისტრიბუტორი); ზურაბ გუნაშვილი (კომპიუტერული უზრუნველყოფა).  
გაზეთი აიწყო და დაკაბადონდა „შირაპის“ კომპიუტერულ პაზაზე.  
ყოველკვირეული გამოცემა იბეჭდება შ. პ. ს. „სამშობლოს“ სტამბაში.

რედაქციის მისამართი: ქალაქი დედოფლისწყარო, ფოსტის №18, ტელ. 0 356 22 55-49; 598 72-18-72 (დირექტორი) 551 25-17-44 (რედაქტორი)

რეგისტრირებულია დედოფლისწყაროს რაიონის სასამართლოს მიერ, №6014-468.